

CYNGOR YMGYNGHOROL SEFYDLOG AR ADDYSG GREFYDDOL (CYSAG)

Cofnodion y cyfarfod a gynhaliwyd ar 13 Mawrth 2013

PRESENNOL: Cynghorydd E. G. Davies (Cadeirydd)

Yr Awdurdod Addysg

Cynghorydd Alun Mummery

Yr Enwadau Crefyddol

Mr Rheinallt Thomas (Yr Eglwys Bresbyteraidd) (Is-Gadeirydd)

Mrs Catherine Jones (Undeb y Bedyddwyr)

Yr Athro Euros Wyn Jones (Undeb yr Annibynwyr Cymraeg)

Athrawon

Alison Jones (Ysgol y Parch. Thomas Ellis)

Bethan Ll. Jones (Ysgol y Graig)

Y Parch Elwyn Jones (Aelod Cyfetholedig)

WRTH LAW: Mr Gary Jones (Swyddog Addysg Gynradd)
Miss Bethan James (Ymgynghorydd y Dyniaethau)
Ann Holmes (Swyddog Pwyllgor)

YMDDIHEURIADAU: Stephen Francis Roe, Mefys Edwards

Rhoddodd y Cadeirydd groeso i bawb oedd yn bresennol i'r cyfarfod hwn o'r Cyngor Ymgynghorol Sefydlog ar Addysg Grefyddol ar gyfer Ynys Môn.

1 DATGANIAD O DDIDDORDEB

Ni dderbyniwyd unrhyw ddatganiad o ddiddordeb.

2 COFNODION

Cyflwynwyd a chadarnhawyd fel rhai cywir, gofnodion y cyfarfod blaenorol o'r CYSAG a gynhaliwyd ar 9 Hydref 2012.

Materion yn codi –

- Estynnodd y Cadeirydd groeso cynnes i Mrs Alison Jones a Mrs Bethan Jones i'w cyfarfod cyntaf o'r CYSAG. Dywedodd y Swyddog Addysg Gynradd wrth Aelodau'r CYSAG bod Mrs Alison Jones a Mrs Bethan Jones yn bresennol fel cynrychiolwyr enwebedig penaethiaid cynradd ac athrawon ysgolion cynradd Ynys Môn yn y drefn honno a bod yna hefyd ddirprwy gynrychiolydd pe bai un o'r ddwy yn methu â bod yn bresennol mewn cyfarfod o'r CYSAG. Hefyd, roedd Mrs Mefys Edwards wedi ei chadarnhau fel cynrychiolydd athrawon uwchradd ac roedd Mr Martin Wise yn parhau i fod yn gynrychiolydd Penaethiaid ysgolion uwchradd.
- Cadarnhaodd y Swyddog Pwyllgor nad oedd unrhyw atborth wedi ei dderbyn gan yr Eglwys yng Nghymru na gan yr Eglwys Gatholig o ran darparu enw cynrychiolydd i wasanaethu ar y CYSAG ac felly roedd dau le'r Eglwys ar y Cyngor yn parhau heb eu llenwi.
- Cafwyd diweddariad gan Ymgynghorydd y Dyniaethau am ei chyswllt ag Ysgol Uwchradd Caergybi ac Ysgol Uwchradd Bodedern ers y cyfarfod blaenorol o'r CYSAG a hynny yn unol â'r penderfyniadau o dan eitem 4 y cofnodion. Disgrifiodd natur y gefnogaeth a roddwyd i'r

cyntaf trwy ddarparu'r Maes Llafur Cytun, cyfarwyddyd CA2 a CA3 yn ogystal â gwybodaeth ynglŷn â statws cyfreithiol AG fel pwnc, ac adnoddau dysgu. Roedd Cymdeithas CYSAGau Cymru ers hynny wedi trefnu sesiwn hyfforddi i athrawon Addysg Grefyddol CA3 ar gynnal asesiadau a chynllunio gwaith dosbarth a gweithgareddau dysgu. Roedd Ysgol Uwchradd Bodedern wedi mynd i'r afael â'r mater oedd yn codi yn sgîl cyflwyno portffolio AG yr ysgol i'r safonwyr allanol mewn perthynas â'r ddealltwriaeth o'r nodweddion lefelau ac roedd wedi addasu ei chynllun gwaith yn unol â hynny.

- O ran hunanarfarniadau mewn ysgolion, dywedodd y Swyddog Addysg Gynradd bod Ysgol Corn Hir wedi cytuno y gallai ei hunanarfarniad hwy o Addysg Grefyddol gael ei ddefnyddio'n ddiennw fel esiampl i ysgolion eraill o safbwynt hunanarfarnu. Ers y cyfarfod blaenorol o'r CYSAG, fe dderbyniwyd hunanarfarniad arall gan Ysgol Brynsiencyn er bod tri yn parhau ar ôl. Rhoddodd y Swyddog grynoded i'r Aelodau o gynnwys hunanarfarniad Ysgol Brynsiencyn gan gyfeirio at y sylw oedd yn cael ei roi yn yr ysgol at agweddau moesol; darparu cyfleon i ddisgyblion fyfyrion a chymryd rhan mewn cyngherddau ac ati a chael y Person a'r Gweinidog lleol i ddod i'r gwasanaethau boreol a chymryd rhan yn y Gwasanaeth Nadolig blynyddol. Roedd yr ysgol hefyd yn cynnal gwasanaeth bedydd yn flynyddol.

Nododd y Cadeirydd ei fod yn siomedig ynglŷn â'r diffyg ymateb gan y tair ysgol arall oedd heb gyflwyno eu hunanarfarniadau i'r CYSAG yn y cyfarfod hwn. Dywedodd y Swyddog Addysg Gynradd y byddai'n rhoi sylw i'r mater. Roedd Aelodau'r CYSAG yn gytûn gyda phwysleisio mai eu prif rôl oedd un o fonitro safonau Addysg Grefyddol ac addoli ar y cyd yn ysgolion yr Ynys ac mai'r unig ffordd oedd ganddynt o wneud hynny ar hyn o bryd oedd trwy graffu ar waith hunanarfarniadau'r ysgolion. Nid oedd peidio â chyflwyno'r hunanarfarniadau, felly, yn dderbyniol.

Awgrymodd Ymgynghorydd y Dyniaethau y gellid anfon y sampl o adroddiad hunanarfarnu yr oedd hi wedi ei gyflwyno yn y cyfarfod o'r CYSAG yn Hydref 2012 ynghyd â'r patrwm a ddarparwyd gan Ysgol Corn Hir i'r tair ysgol dan sylw fel model byr o'r hyn y gallent ei gyflwyno i ddangos y ddarpariaeth AG yn eu hysgolion.

Penderfynwyd nodi'r wybodaeth a gyflwynwyd.

CAMAU GWEITHREDU'N CODI: Y Swyddog Ysgolion Cynradd i gysylltu gyda'r tair ysgol oedd heb anfon eu hadroddiadau hunanarfarnu i weld a oeddent ar gael ac i anfon i'r ysgolion hynny yr adroddiad hunanarfarnu enghreifftiol a baratowyd gan Ymgynghorydd y Dyniaethau a hefyd yr esiampl a ddarparwyd gan Ysgol Corn Hir.

- Dywedodd Ymgynghorydd y Dyniaethau wrth Aelodau'r CYSAG fod yr Adolygiad Thematio o Addysg Grefyddol yr oedd Estyn yn paratoi i'w gynnal ac yr adroddwyd arno yn y cyfarfod diwethaf bellach wedi digwydd a bod yr adolygiad wedi canolbwyntio ar CA4 a CA5. Ni alwyd ar unrhyw ysgol yng Ngwynedd nac Ynys Môn fel rhan o'r adolygiad.

3 SAFONAU ADDYSG GREFYDDOL

Cyflwynwyd i sylw'r CYSAG adroddiad gan y Swyddog Addysg Gynradd ynglŷn â'r ysgolion a arolygwyd yn ystod tymor yr Hydref, 2012. Roedd yr adroddiad yn rhoi crynodeb o'r sylwadau yn adroddiadau Estyn yn ymwneud â datblygiad moesol ac ysbrydol a'r gweithgareddau a'r ddarpariaeth ar gyfer addoli ar y cyd yn Ysgol Cemaes; Ysgol Llanbedrgoch ac Ysgol y Tywyn. Cadarnhaodd y Swyddog nad oedd unrhyw argymhellion yn codi o fewn yr adroddiadau parthed Addysg Grefyddol/addoli ar y cyd. Awgrymodd Ymgynghorydd y Dyniaethau y dylid gofyn i'r tair ysgol anfon eu hadroddiadau hunanarfarnu i sylw'r CYSAG - cadarnhaodd y Swyddog Addysg Gynradd bod cais wedi ei wneud yn barod i'r perwyl hwnnw.

Bu Aelodau'r CYSAG yn ystyried yr wybodaeth a gyflwynwyd a rhoddwyd sylw i rai anghysonderau yn yr adroddiad mewn perthynas â'r geiriau oedd yn cael eu defnyddio gan yr arolygwyr, er enghraifft y cyfieithiad Cymraeg (anghywir) o "collective worship" (cyd-addoli) a'r defnydd o "daily assemblies" (gwasanaethau dyddiol)." Nodwyd ymhellach bod y mater hwn o ddefnydd anghywir a/neu camgyfieithu termau wedi ei nodi'n flaenorol gydag Estyn drwy CYSAGau Cymru, ac awgrymwyd y dylid anfon llythyr yn uniongyrchol i Estyn i ddwyn sylw'r corff archwilio at y ffaith bod y CYSAG wedi nodi un neu ddau o anghysonderau yn nefnydd yr archwilydd o dermau yn yr adroddiadau archwilio y cyfeirir atynt.

Penderfynwyd derbyn yr adroddiad a nodi'r wybodaeth a gyflwynwyd.

CAMAU GWEITHREDU'N CODI: Y Swyddog Addysg Gynradd i ysgrifennu at Estyn i dynnu sylw'r corff arolygu at gamgymeriadau yr oedd y CYSAG wedi eu nodi yn yr adroddiadau archwilio dan sylw o ran y defnydd a wneir a/neu'r cyfieithiad o'r termau.

4 YMATEB A CHYFARWYDDYD CYSAG

- Cafwyd diweddariad gan Ymgynghorydd y Dyniaethau ar y gweithgareddau yr ymgwymerwyd â hwy gan y Gwasanaeth yn y cyfnod ers y cyfarfod diwethaf o'r CYSAG fel a ganlyn -
 - Rhoddwyd cyfle i Athrawon AG Sector Uwchradd fynychu dau gwrs hyfforddi, un ar y testun Cau'r Bwlch – Dysgu ac Addysgu Effeithiol oedd yn golygu sgritineiddio gwaith disgyblion a safonau athrawon yn dysgu AG a hefyd yn y cyd-destun ehangach o wella llythrennedd a rhifedd. Roedd y cwrs yn delio â materion fel yr iaith a'r derminoleg oedd i'w defnyddio mewn adroddiadau hunanarfarnu fel eu bod wedi eu halinio'n agosach gyda'r iaith a'r termau y mae adroddiadau arolygu Estyn yn eu defnyddio; ystyr diffiniad y termau ansoddol a ddefnyddir gan Estyn fel "mwyafrif" a hefyd yr ystyriaethau wrth ddod i un o'r pedair barn – ardderchog, da, digonol, anfoddhaol. O ystyried nad oes gan athrawon AG CA3 yr un lefel o ddata perfformiad ar gael iddynt â'r hyn sy'n cael ei gynhyrchu ar gyfer pynciau eraill, fe ddaeth athrawon AG at ei gilydd gyda samplau o waith ac yr oedd Ymgynghorydd y Dyniaethau wedi ychwanegu dogfennau eraill atynt e.e. adroddiad i athro oedd newydd gymhwyso ac adroddiad ar arsylwi llythrennedd a gofynnwyd iddynt hefyd ffurfio barn ar ansawdd y dysgu a'r addysgu. Gwnaed gwaith hefyd gan ddefnyddio esiamplau o waith disgyblion er mwyn deall y lefelau a nodweddion y lefelau yn well. Roedd yr athrawon ar y cwrs hefyd wedi edrych ar y Fframwaith Cyffredin ac ar y disgwyliadau o safbwynt Blwyddyn 9 mewn perthynas â sgiliau ysgrifennu a gofynnwyd iddynt nodi a oedd y gwaith yn adlewyrchu rhai disgwyliadau penodol o safbwynt sillafu, gramadeg, atalnodi ac yn y blaen.
 - Roedd yr ail gwrs i athrawon AG uwchradd wedi ei gynnal gan CBAC ac roedd yn cynnig cyfarwyddyd ar asesiadau mewn perthynas ag arholiadau allanol Astudiaethau Crefyddol. Roedd Ymgynghorydd y Dyniaethau wedi paratoi cwrs i'r athrawon hynny nad oeddynt yn bresennol yn y sesiwn CBAC oedd yn cynnwys Data Darllen a hefyd y defnydd o siartiau, graffiau, tablau a diagramau fel tystiolaeth.
 - Yng nghyswllt y sector cynradd, cynhaliwyd cwrs cyn y Nadolig yn Eglwys Biwmares a'r ysgol oedd yn ystyried ystyr y Nadolig, ac yn benodol, berthnasedd y gweithgareddau a gynhaliwyd yn ystod yr ymweliad â'r Eglwys yng nghyd-destun y Maes Llafur Cytûn.
 - Fel rhan o'r cwrs 5 diwrnod ar gyfer Hyfforddi a Datblygu Athrawon yn y Dyniaethau, cadwyd un diwrnod ar gyfer Addysg Grefyddol. Eleni, rhoddwyd sylw i dempled hunanarfarnu'r CYSAG a'r angen i sicrhau bod y rhain ar gael i'r Cyngor Ymgynghorol. Rhannwyd esiamplau o arfer dda mewn ysgolion yng Ngwynedd a Môn gyda'r rhai oedd ar y cwrs.
- Rhoddodd yr Ymgynghorydd Dyniaethau gyflwyniad gweledol i'r CYSAG ar Ddeall Safonau yng Nghyfnod Allweddol CA3, sef cwrs oedd yn cael ei ariannu gan Gymdeithas CYSAGau Cymru ar gyfer athrawon CA3 ac amlinellodd gynnwys y cwrs a'r themâu a oedd wedi eu rhannu'n bedair sesiwn ar wahân ac a oedd yn rhoi sylw i'r agweddau isod –
 - Deall y disgrifiadau lefel a'r negeseuon allweddol gan Gymedroli Canolog CBAC/ADAS 2010/12
 - Y tair sgil graidd ar gyfer symud ymlaen rhwng lefelau
 - Cydnabod safonau mewn gwaith disgyblion
 - Gosod tasgau a chymedroli mewnol
 - Cwestiynau, materion a phosibiliadau

Ar ran Athrawon CA3, diolchodd i Gymdeithas CYSAGau Cymru am gefnogi a chyllido'r cwrs ac i Ynys Môn am ei chyfraniad i gostau'r cwrs.

- Dywedodd Ymgynghorydd y Dyniaethau wrth Aelodau'r CYSAG y bydd y gwasanaeth ymgynghorol cefnogol a ddarperir gan Cynnal yn dod i ben ym mis Ebrill pan fydd y GwE (Gwasanaeth Effeithlonrwydd Ysgolion) newydd yn dod i rym ac yn cymryd cyfrifoldeb am yr

elfen honno o'r gwasanaeth cefnogi ysgolion. Fel rhan o'r trefniadau pontio, bydd swyddi ymgynghorwyr pynciau yn cael eu disodli gan Arweinwyr System ar gyfer y rhanbarth gan gynnwys Ynys Môn a Gwynedd. Bydd yr Arweinwyr System yn bennaf gyfrifol am gydgysylltu pynciau yn hytrach nag am ddarparu hyfforddiant yn uniongyrchol, neu am ddarparu cyrsiau, ac hefyd am ddarparu cefnogaeth i grwp o ysgolion mewn perthynas â chwblhau hunanarfarniadau, paratoi ar gyfer arolygiadau a chydgyssylltu gyda'r Swyddfa Addysg Leol ynghylch materion perthnasol sy'n codi. Dywedodd wrth y CYSAG mai'r tebygolrwydd yw y bydd AALI yn gofyn i'r gwasanaeth rhanbarthol ddarparu rhywfaint o gefnogaeth ar gyfer cyrff CYSAG yn wyneb natur statudol eu dyletswyddau.

Dywedodd y Swyddog Ysgolion Cynradd ei fod yn deall bod Cyfarwyddwyr Addysg/Dysgu Gydol Oes y chwe awdurdod ar draws Gogledd Cymru wedi codi'r mater hwn gyda'r gwasanaeth rhanbarthol gyda golwg ar sefydlu cytundeb i ddarparu cefnogaeth ar gyfer cyrff CYSAGau. Mae angen ystyried rôl CYSAGau o ran sicrhau safonau Addysg Grefyddol o fewn y trefniadau newydd a hefyd o fewn cyd-destun yr ymgynghoriad y mae Estyn yn ei gynnal ar hyn o bryd ynghylch opsiynau ar gyfer newid ac ymestyn y cylch arolygu 6 mlynedd cyfredol o fis Medi 2013 gydag opsiwn i roi llai o rybudd am arolygiad - y syniad yw datblygu ysgolion sy'n barod ar gyfer arolygiadau h.y. ysgolion sydd bob amser yn barod am arolygiad pryd bynnag y bydd yn digwydd. Dywedodd y Swyddog, yn wyneb y newid arfaethedig hwn, y gall bod rheswm i'r CYSAG ystyried gofyn i ysgolion am adroddiadau hunanarfarnu ar sail reolaidd e.e. 16 o hunanarfarniadau gan ysgolion cynradd bob blwyddyn dros gyfnod o 3 blynedd a 2 o hunanarfarniadau gan ysgolion uwchradd bob blwyddyn. Ni fydd y cymorth a roddir ar hyn o bryd gan Cynnal ar gael ar ôl Ebrill 2013.

Roedd yr Is-Gadeirydd yn cefnogi'r syniad y dylai'r CYSAG lunio ei amserlen ei hun ar gyfer archwilio adroddiadau hunanarfarnu gan ysgolion. Dywedodd wrth yr Aelodau y byddai cefnogaeth AG dan y trefniadau consortia newydd a'r modd o ddarparu'r gefnogaeth honno gan yr AALI trwy gyrrff CYSAGau yn cael ei drafod mewn cyfarfod rhwng y Gweinidog Addysg a'r grwpiau ffydd ar 20 Mawrth 2013. Mewn perthynas â darparu hyfforddiant, mae potensial i Fudiad Addysg Grefyddol Cymru ddarparu cyrsiau trwy'r awdurdodau addysg sy'n tanysgrifio iddo a gwneud cyfraniad gan na fydd y ddarpariaeth honno ar gael mwyach trwy Cynnal.

Awgrymodd Ymgynghorydd y Dyniaethau y byddai'r CYSAG efallai yn dymuno ystyried gwahanol fodelau ar gyfer derbyn adroddiadau hunanarfarnu ac y gallai'r Swyddog Addysg Gynradd drafod ymarferoldeb yr amryfal opsiynau gyda Phenaeithiaid ysgolion cynradd ac uwchradd e.e. targedu 5% neu 10% o'r ysgolion bob blwyddyn er mwyn archwilio sampl o'r adroddiadau. Pa drefniadau bynnag a fabwsiedir, dywedodd bod angen iddynt fod yn gynaliadwy.

Penderfynwyd nodi'r wybodaeth.

CAM GWEITHREDU'N CODI: Y Swyddog Ysgolion Cynradd i baratoi papur briffio i ymgynghori gyda grwpiau penaethiaid ysgolion cynradd ac uwchradd ynghylch ymarferoldeb gwahanol opsiynau ar gyfer darparu adroddiadau hunanarfarnu AG i'r CYSAG fel bod modd iddo gyflawni ei ddyletswydd statudol i fonitro safonau AG ac addoli ar y cyd, ac adrodd yn ôl i'r CYSAG yn ei gyfarfod nesaf.

5 CYMDEITHAS CYSAGAU CYMRU

- Cyflwynwyd crynodeb o'r prif negeseuon o ohebiaeth a gafwyd gan Cymdeithas CYSAGau Cymru er gwybodaeth y CYSAG. Mewn perthynas ag enwebiadau ar gyfer Pwyllgor Gwaith Cymdeithas CYSAGau Cymru a swydd yr Is-Gadeirydd, dywedodd Is-Gadeirydd y CYSAG wrth yr Aelodau fod Gwynedd wedi enwebu W. M. Meredith ar gyfer swydd yr Is-Gadeirydd a bod enwebiad wedi ei wneud ar gyfer y Pwyllgor Gwaith. Nid oedd CYSAG Ynys Môn yn gymwys i gynnig enwebiad o gofio bod yr Is-Gadeirydd wedi ei benodi i wasanaethu ar y Pwyllgor Gwaith am gyfnod o 3 blynedd ac nid oes gan unrhyw gorff CYSAG hawl i gael dau gynrychiolydd ar y Pwyllgor Gwaith.

Dygodd y Swyddog Ysgolion Cynradd sylw'r Aelodau at ohebiaeth dyddiedig 27 Chwefror 2013 a gafwyd gan Goleg y Drindod Dewi Sant yn rhoi rhybudd, oherwydd cyfyngiadau cyllidol, na fydd y newyddlen AG ond yn cael ei gyhoeddi ar lein o Haf 2013 ymlaen. Gofynnir

i AALI sy'n tanysgrifio i'r newyddlen gyfrannu £500 tuag at gostau cyhoeddi a rhoddir cyfrinair iddynt gael gweld y fersiwn ar lein.

Penderfynwyd –

- **Nodi'r wybodaeth yn yr ohebiaeth gan Gymdeithas CYSAGau Cymru.**
 - **Cefnogi parhau i danysgrifio i'r newyddlen AG am y ffi a benodwyd.**
- Cyflwynwyd cofnodion cyfarfod Cymdeithas CYSAGau Cymru a gynhaliwyd yn Merthyr Tudful ar 22 Tachwedd 2012 er gwybodaeth i'r CYSAG.

Dygodd yr Is-Gadeirydd sylw'r Aelodau at brif uchafbwyntiau'r cyfarfod fel a ganlyn:

- Y cyflwyniad gan Jonathan Martin ac Andrew Morton o Addysg Grefyddol a Chaplaniaeth mewn Addysg Bellach y gofynnwyd i gynrychiolwyr y CYSAG ei gyflwyno i'w cyrff CYSAGau eu hunain.
 - Adroddiad y Cyngor AG gan Tania ap Sion.
 - Cyflwyniad ar Addysg Grefyddol yn y Sector Addysg Uwch gan Lynda Maddock a Sue James. Atgoffwyd yr Aelodau gan yr Is-Gadeirydd bod y CYSAG hefyd yn gyfrifol am fonitro'r ddarpariaeth o hyfforddiant ar gyfer athrawon AG yn ei ardal.
 - Yr adolygiad thematig o AG gan Estyn y disgwylir adroddiad arno rhyw dro yn ystod Haf 2013. Pwysleisiwyd arwyddocâd Cymdeithas CYSAGau Cymru fel corff sy'n cynrychioli ac yn hyrwyddo buddiannau AG fel y dangosir gan yr adolygiad.
 - Y Marc Ansawdd Addysg Grefyddol. Bydd y cynllun hwn yn cael ei dreialu yng Nghymru ac adroddir ar y canlyniadau i Gymdeithas CYSAGau Cymru fel bod modd cael trafodaeth ystyrlon ynghylch y Marc Ansawdd.
- Dywedodd Ymgynghorydd y Dyniaethau wrth yr Aelodau bod Cymdeithas CYSAGau Cymru yn bwriadu cynnal Cynhadledd Genedlaethol ar 10 Hydref 2013 mewn man i'w drefnu ac y bydd Gweinidog Addysg Llywodraeth Cymru hefyd yn bresennol.
 - Cyflwynwyd, er gwybodaeth, gopi o adroddiad adolygu Cymdeithas CYSAGau Cymru ar argymhellion ynghylch CYSAGau a'r Gymuned Leol. O gofio'r cyfyngiadau yn Ynys Môn o ran cymuned rhyng-ffydd a chyfleon i ryngweithio ag ymwneud yn lleol â materion rhyng-ffydd, roedd y CYSAG yn cytuno nad oedd rhai o'r argymhellion yn yr adroddiad yn berthnasol i Ynys Môn a **phenderfynwyd derbyn yr adroddiad a nodi ei gynnwys.**
 - Dywedwyd wrth Aelodau'r CYSAG y byddai cyfarfod nesaf Cymdeithas CYSAGau Cymru yng Nghasnewydd ar 22 Mawrth ac y byddai'r cyfarfod ar ôl hwnnw yn cael ei gynnal ar 19 Mehefin 2013 yng Nghaernarfon. **Penderfynwyd y byddai'r Athro Euros Jones yn mynychu'r cyfarfod ar 19 Mehefin yn lle Mr. Rheinallt Thomas a gyflwynodd ei ymddiheuriadau ar gyfer y cyfarfod hwnnw.**

6 ADRODDIAD BLYNYDDOL CYSAG YNYS MÔN AR GYFER 2011/12

Cyflwynwyd fersiwn wedi ei diweddarau o Adroddiad Blynyddol CYSAG Ynys Môn ar gyfer 2011/12. Cyflwynodd y Cadeirydd ei ragair i'r Adroddiad Blynyddol a fyddai'n cael ei ymgorffori yn y copi a fyddai'n cael ei anfon i Lywodraeth Cymru.

Diolchodd y Cadeirydd i Ymgynghorydd y Dyniaethau am ei gwaith ar yr Adroddiad Blynyddol a hefyd am ei chefnogaeth a'i hymrwymiad gwerthfawr a diflino i'r CYSAG yn ei rôl fel Ymgynghorydd y Dyniaethau.

**Y Cynghorydd E.G.Davies
Cadeirydd**

DRAFT